



Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 5. An detur universale Scotistarum & Respectivistarum?

[urn:nbn:de:hbz:466:1-52248](#)

tur. *Prob. ant.* Petreitas non potest non dicere repugnantiam, ut sit in Paulo; ergo etiam natura Petri. *Prob. conf.* Natura Petri & Petreitas à parte rei non distinguuntur; ergo si-
cūt Petreitas non potest non dicere repugnan-
tiā, ut sit in Paulo, ita & natura. Quæ ob-
jici hīc possunt, facile solves ex §. 1. *bujus art.*
& ex §. 5. immediatè subsequentē.

§. V.

An Detur Universale Scotistarum & Respe- cistarum?

238. *Nota. I.* *Scotistæ* in doctrina de uni-
versali non sunt consentientes. Licet enim,
principiis suis de distinctione formalis ex natura
rei innixi, in hoc convenient, quod doceant
universale consistere in natura communi, sin-
gularibus quidem realiter identificatâ, at simul
formaliter ex natura rei ab hæcceitatibus distin-
cta; Si tamen ex iis postules, per quid natura
comunis sit, aut universalis? *Scotistas* in *Scoti-
stas* arma vertere intelliges. Alii dicent, na-
turam esse communem *per inexistentiam*, ita,
ut una eadémque natura realiter reperiatur in
omnibus, v. g. eadem natura humana in omni-
bus hominibus. Alii respondebunt naturam
esse Universalem *per unitatem privativam*, qua-
tenus natura per adventum differentiarum in-
dividualium & specificarum privatur aliquâ uni-
tate positivâ, quam ex se deberet & posset ha-
bere. Hoc sic explicant: *Natura humana* v. g.
*per Pauleitatem & Petreitatem redditur qui-
dem*

dem multiplex, remanet tamen una privativè, quia privatur unitate sibi debitâ. Alii afferent naturam esse universalem *per unitatem indifferentiæ*, quatenus natura humana v. g. non magis determinata est ad Petreitatem, quam ad Pauleitatem, vel aliud quodvis individuum. *Vid. P. Fr. Sébast. Dupasquier. Disp. 3. Logicae q. 3. Conclus. 2. & P. Joannem Bapt. de Bened. Tom. I. lib. 2. Cap. 3. & 4.*

239. *Nota 2.* *Respectivista* contendunt universale verè & adæquate tale stare in pluribus individuis similibus. Sic enim arguunt: talia similia sunt multa, ut patet. Deinde sunt quid unum, etiam ante operam mentis, quia habent unitatem convenientiæ & similitudinis; ergo sunt universale, & quidem extra intellectum.

240. *Dico 1.* Non datur *universale Scotisticum*. *Ratio communis est*, quia falso nimirum distingue fundamento, distinctione mediâ, quam non dari, n. 173. probatum est. *Præterea contra allatas n. 238.* Sententias pugnant sequentes rationes. 1. Si natura v. g. humana esset universalis per inexistentiam, vel per unitatem formalem positivam, ut Dupasquier refert, ira, ut una eademque natura esset in omnibus hominibus, ergo Petrus, Paulus, Judas &c. quoad naturam essent identificati; sed hoc dici nequit; ergo. *Prob min.* Alias eadem natura existere simul posset in cælo, & in orco, posset simul mori & renasci saltem in diversis hominibus &c. *Item* in creatis foret

mysterium longè admirabilius mysterio Trinitatis; in Trinitate enim una natura est in tribus Personis; verùm una natura humana esset in individuis infinitis. *Nec juvat dicere*, quod in Trinitate una natura singularis sit in tribus Personis; econtrà in creatis natura sit in multis formaliter duntaxat una, non autem *numerice* aut *individualiter*. Nam *contra est*; sicut Paternitas, filiatio non multiplicant naturam divinam, sed solas Personas, quæ per relationes ejusmodi constituuntur; ita nec Petreitas & Paulitas multiplicant naturam humanam, cùm eam non constituant, sed constituant tantùm individua: quod autem non est constitutivum, illud nec est distinctivum. 2. *Unitas privativa* superiùs allata videtur omnino ficta. Sicut enim cæcus non benè diceretur *videns privativer*; ita nec natura in singularibus unitate suâ privata benè denominatur *una privativer*. Deinde unitas illa, quâ natura privatur, vel esset naturæ essentialis, vel ejus proprietas? sed nec essentialia, nec proprietates separabilia sunt realiter à natura. Denique unde solidè probatur, quod naturæ debeatur alia Unitas, ac ea, quam habet in singularibus? Ad refutandam *Unitatem indifferentiæ*, vide dicta de natura in statu possibilitatis n. 235. & de universali Cajetani. n. 237.

241. *Obj. 1.* Natura modò in Petro & Paulo existens habet unam eandemque definitionem; ergo in Petro & Paulo erit actualiter formaliter una eadémque natura. *R. D. ant.*

Natu-

Natura *abstracta*, & quæ est in Petro & Paulo, habet unam definitionem *præcisam*. C. Natura *contracta*, & ut est in Petro & Paulo, habet unam definitionem. N. Si enim Petrus definiatur adæquatè, ut est à parte rei, non sufficit dicere: *Est animal rationale*; sed dicendum foret: *Petrus est hoc animal rationale*. *Si quis*. Naturæ humanae habet saltem unam definibilitatem à parte rei; ergo ratione hujus una erit, & universalis. R. D. *Ant.* Habet unam definibilitatem fundamentalem, fundamentaliter tantum distinctam à singularibus. C. habet unam definibilitatem actualem, formaliter ex natura rei distinctam à definibilitate singularitatum. N.

242. *Obj. 2.* Petrus & Paulus magis conveniunt nemine cogitante, quam Petrus & Melampus; ergo erunt unum unitate universalis. R. D. *Ant.* Magis conveniunt unitate similitudinis. C. Unitate identitatis. N. h.e. Petrus & Paulus conveniunt in pluribus prædicatis essentialibus, & operationibus, quam Petrus & Melampus. Petrus enim & Melampus sunt differentes inter se; Petrus vero & Paulus sunt tantum distincti realiter. Hoc ipso autem, quod etiam distincti duntaxat sint, inter eos non est identitas, adeoque nec unitas universalis. *Si reponas.* Naturæ humanae nemine cogitante est divisa à Petreitate, Pauleitate & cæteris individuationibus, sicut est divisa à natura equina, leonina &c. ergo. *Prob. ant.* Naturæ humanae non includit Petreitatem &

198 DE UNIVERSALI IN GENERE.

Pauleitatem; alias omnes homines essent Petri & Pauli; ergo. R. D. *Ant. probat.* Non includit Petreitatem &c. realiter & identice. N. formaliter & in conceptu. C. Subjunctam verò antecedentis probationem nego. *Probas autem sic.* Quidquid includit natura, convenit omnibus & singulis individuis; ergo si includat Petreitatem & Pauleitatem, omnes homines erunt Petri & Pauli. R. 1. Hoc argumento jugulatur ipsum universale scotisticum; sic enim ex eodem antecedente infero: ergo si natura includit realiter universalitatem, hæc conveniet omnibus individuis, & tot erunt naturæ universales, quot erunt individua. R. 2. D. *Ant.* Quidquid natura includit in suo conceptu essentiali, convenit omnibus individuis. C. quidquid includit tantum realiter. N.

243. Pro solvendis objectionibus *Observa* adhuc I. à parte rei non datur genus, species, differentia *formaliter*, sed solum *fundamentaliter*. Hinc canis & homo non differunt realiter specie logicâ formalî, sed fundamentali duntur, & physicâ. II. Petrus & Paulus habent distinctas essentialiter definitiones adæquatas, h. e., illis realiter sumptis commensuratas; licet non habeant distinctas essentialiter definitiones inadæquatas, illis objectivè sumptis commensuratas. III. Falsum est, illa esse unum unitate universali, quæ non differunt; cum ista aliam non habeant unitatem, quam unitatem similitudinis; ad universale autem requiritur unitas identitatis & indistinctionis. IV. Non sequi-

sequitur : Duo quanta indivisa , i. e. unita , sunt unum quantum ; ergo duæ naturæ indivisiæ sunt una natura . Nam *disparitas est* : quia duo quanta unita habent unam tantum indisionem , i. e. Unam negationem separationis . Econtrà duæ naturæ habent duas indisiones , cum sint bis unum ; hinc etiam dicuntur plures .

244. *Dico* 2. Universale *Respectivistarum* non est verum universale . *Ratio est* 1. Quia non est verè unum excludens omnem pluralitatem numericam ; quandoquidem similitudo essentialiter dicit multa , cùm nihil sibi ipsi simile esse possit . *Nec juvat dicere* , similitudinem excludere pluralitatem numericam in ratione similitudinis , cùm una duntaxat sit similitudo . Nam etiam dissimilitudo non dicit pluralitatem in ratione dissimilitudinis , sed tantum in ratione dissimilium ; nec tamen dissimilitudo est unitas sufficiens ad universale . Requiritur proinde ad universale talis unitas , cuius conceptus formaliter non includit pluralitatem , idquod unitati similitudinis non convenit . *Ratio est* 2. Hoc universale vel distinguitur ab universali fundamentali , quod communiter admittitur , vel non distinguitur ? Si distinguitur , assignent *Respectivistæ* in quo disconveniat . Si vero non distinguitur ; ergo non est propriè universale , sed potius fundamentum universalis formaliter talis .

245. *Obj.* Petrus & Paulus sunt similes in natura ; ergo habent eandem naturam . *R. N.*
Ant. & Cons. *Antecedens* quidem , quia priè

priè non sunt similes in *natura*, sed in *naturis*. *Conf.* autem nego, quia potius sequitur hoc: ergo habent distinctas naturas, ex ratione i. n. 244. data. Hinc Theologi quoque negant Personas Ss. Trinitatis esse propriè similes in natura; quia habent eandem naturam. *Si ait*, similitudo juxta Philosophum fundatur in unitate; Sic enim inquit *Arist. 5. Metaphys.*, *Similia verò, quorum qualitas est una*; ergo quæ similia sunt, unum sunt. *R. D. Ant.* fundatur in unitate fundamentali C. in unitate formalī & indistinctionis. N. Tò *Una* in textu Aristotelico non indicat indivisionem qualitatis à parte rei, sed idem significat ac *talis, qualis*; ita, ut sensus sit: Similia sunt, quorum unius qualitas *talis* est, *qualis* est alterius; sicut dum dicit, *Æqualia sunt, quorum quantitas una est*, sensus est iste: æqualia sunt, quorum unius quantitas *tanta* est, *quanta* est alterius. *Si urgesas*: Talis est unitas qualitatis inter similia, *qualis* est unitas substantiæ inter identificata; *R. N. Probas*, *Arist.* sic ait: *Eadem sunt, quorum una est substantia; Similia, quorum qualitas una*; ergo juxta *Aristotelem* eodem modo differendum est de unitate identificatorum & similiū. *R. N. Conf.* identitas enim intercedere nequit inter distincta; econtrà similitudo non potest non intercedere nisi inter distincta; igitur *Aristoteles* intelligi pariformiter nequit de unitate identificatorum, & similiū. *Si dicas denique*: Similitudo saltem nequit fundari in unitate fundamentali, aliàs fundaretur

in

in se ipsa. **R.** D. *Affert.* Nequit fundari in unitate fundamentali, quæ sit ratio fundandæ similitudinis. **N.** Quæ sit ratio fundandæ unitatis ad universale requisitæ. **C.** Fundamentum proximum similitudinis est hoc, quod natura Petri v. g. talis sit, qualis est natura v. g. Pauli. Fundamentum autem proximum unitatis ad universale requisitæ est ipsa similitudo, sive convenientia, vel ut alii dicunt identitas materialis.

ARTICULUS III.

De Causa efficiente universale.

246. **N**ota. Ex iis, quæ hactenus de universalis dicta sunt, primum est conjecture *primò*, quod *causa Materialis*, sive subiectum universalis sit natura realis, non *ut*, sed *qua* est à parte rei, & *ut* objectivè existit in intellectu. **S**econdò, quod *causa formalis*, sive forma universalis sit universalitas, sive Unitas communicabilis, h. e. apta, ut multis insit, & de multis prædicetur. Cùm autem ejusmodi natura una & apta à parte rei non detur, id quod probatum hucusque fuit, causa ejus efficientis hic venit investiganda: Igitur tria hoc in articulo in quæstionem vocantur. **P**rimum est: An universale formaliter tale fiat per intellectum? **S**econdum est: Quomodo fiat? **T**ertiū est: An actus faciens universale sit Comparativus, an absolutus?

N 5

§. I.